

西北論衡叢書第二種
陳登泰編著

西北縣政地方行政區劃沿革

西北論衡社出版

西北論衡叢書第二種
陳筵泰編著

西北歷代地方行政區劃沿革略

西北論衡社印行

中華民國三十一年三月初版

西北論衡
叢書第二種

西北歷代地方行政區劃沿革略

(全一冊)

每冊實價國幣叁圓伍角

編著者 陳

筮

泰

發行者 西

社址：西安夏家什字八十八號
北論衡社
電話：八二六號

印刷者 中國文化服務社陝西分社

經售處 全國各大書局

版 權 不 准 翻 印
所 有 權 歸 本 社 所 有

(本書校對者玉漢)

自序

沿革地理在吾國向極發達，古言禹貢，周禮地方氏，實爲地理學見於史書之始。迨班書修地理志，後世史家，每多效之，於是沿革地理之名乃盛。惟吾國自立國以來，已歷五千餘載，版圖遼闊，區域複雜，自三代而下，改朝換姓者，凡數千度，行政區劃之建置因革，代有變更，離合分析，紛紜萬端，史家之記載既簡略，與學之考據又多舛說，於是年湮代遠，區區變更，名實乖謬，常使後人難於辨析。學者有鑒於此，乃於各代正史地理志外，每以沿革地理之專書問世，其早者如北魏鄧道元之水經注，唐李吉甫之元和郡縣志，宋王應麟之通鑑地理今釋等，或書一朝之建置，或志數代之因革，考述詳博，經緯粗備。清顧炎武撰天下郡國利病書，顧祖禹著讀史方輿紀要，於建置沿革而外，尤多論及山川形勢，允稱地學之佳構，獨惜地名太簡，編目不善，翻考仍感不。迨李兆洛歷代地理志韻編問世，於古今地名，搜羅補綴，巨細靡遺，雖云以韻編首，其法或未盡善，然其爲吾國沿革地理之要書則無疑也。

編者性喜遊，每至一地，必欲窮其建註因革之淵源，以爲談助，詎古代建置，村叟知者甚少，苦於無處探究，而地方志乘，又復殘缺難覓，不足稽考，坐是奔馳南北，每多肯

自序

味，遊蹤所至，尤難盡興，洵爲一大遺憾也。迨入大學，所習適參行政，而歷代政制史，又爲主科之一，因於吾國歷代行政區劃之建置因革，不時瀏覽，興趣殊濃，尤於課餘之暇，每喜搜求此類資料。時日既久，卷簡盈篋，乃復別爲朝代，析爲條類，增刪考訂，編纂成冊，方擬就正於先邁，聊作課餘筆記之一，詎意蘆變爆發，烽煙四起，倉皇隨校遷走，存稿竟遭失落。自後天南地北，飄泊靡定，縱有研讀之志，苦無五車之供，而前此心血，遂致悉付東流，曩歲由渝歸來，承乏西北論衡筆政，諸賢惠稿，每有西北地志之作，於鉛筆考究，尤多所及，閱稿時間有疑義，亦因案頭無書，苦難校正，嚮日鑽研之興趣，復不覺油然而生。因乃重羅材料，再事整理，依前此編例，先將西北部分，選纂成章，俾供一已檢查之便，詎料時值非帝，參考書籍不易羅致，重要如文獻通考廿四史者，亦不可得，其內容之難於精詳，可想而知也。稿始於辛巳仲秋，成於壬午孟春，凡歷六閱月，爲時倉促，考校羸弱，不及失稿之什一。初稿既成，適論衡十卷新年號待刊甚急，因不避魚目之嫌，附列編末，聊填篇幅。匆匆蕪作，原已遺笑大方，詎於連載之後，復蒙全人謬許，必欲編入西北論衡叢書，重付鈔劂，藉供研究西北地方建置因革者之一助，然以本書之譾陋，編者何敢有所奢望焉。

凡例

(一)本編所稱之西北，係指今山西、陝西、甘肅、甯夏、青海、新疆、察哈爾、綏遠等，及外蒙古地方而言。其不在此範圍者，概未論列。

(二)本編所收材料，起自黃帝制九州，終於國以政府建都南京以後，凡歷五千餘年者，每代皆及之，略而不漏。

(三)郡縣之設，始於秦而備於漢，自後區劃雖時有變遷，而郡縣之名，仍繼續沿用之，尤以縣之一級，至今仍爲地方行政之基本區劃，漢時縣名，今猶多存，故本編對前漢郡縣制，攷究敘說，不厭其詳，俾明建置之淵源。

(四)司馬君實曰：「上一千七百餘年（自周至宋），天下一統者，五百餘年而已矣。」是知封建割據局面，幾乎無代無之，本編於敘述統一政府下之行政區劃外，對於封建割據局面，亦附及之，俾資參閱。

(五)每一古地名下，必附註今釋，惟建置迄今未改名者，則不加釋。其名雖仍舊，而故城已不在今址者，亦加註釋，以明變遷之經過。

(六)秦漢以後，各朝地方行政區劃，每多因襲，州縣之名，尤多不變，凡遇此等情形。本編概行略之，惟於新興建置，則必述之不厭其詳。如後漢郡縣與前漢郡縣不同之處甚

西北歷代地方行政區劃沿革略

二

徵，故述之較略，而唐道宋路，則爲另行釐劃，故詳述之。

(七) 各代享國時間，多則數百年，少亦數十年，地方行政區劃，時有變遷，勢難一一

詳舉，本編所列者，大抵以各代開國初期之建置爲根據，餘則略之，蓋避其繁冗也。

(八) 時值非常，參考書籍缺乏，本編所引註釋，限于參考資料，不能詳確，兼以古代

地名，又多闕不可考，故疏漏謬誤，實所難免，尙望讀者有以教之。

(九) 本編之成，材料不豐，時間倉卒，考校尤難詳盡，故僅託編爲「沿革略」，他日

有暇，當再爲文補訂之。

目次

自序	(一)
凡例	(一)
夏	(一)
商	(一)
周	(一)
春秋	(三)
戰國	(五)
西漢	(一〇)
東漢	(四二)
三國	(四五)
晉	(四八)
南北朝	(五四)
隋	(五七)

目 次

二

唐	(五九)
五代	(七二)
宋	(七四)
遼	(七九)
西夏	(八二)
金	(八三)
元	(八九)
明	(九四)
清	(一〇三)
民國	(一一九)
後記	(一三四)

目次

西北歷代地方行政區劃沿革略

陳筮秦編著

夏

史稱黃帝制九州列萬國，吾國最早之行政區劃，當肇始於此。堯時洪水泛濫，天下分絕，區劃或又爲之湮沒，舜卽帝位，命禹治水，水平，復九州之地，并於冀青二州之地，各劃分一部爲并、幽、營三州，時天下區劃，合計共十有二州。舜禪位於禹，夏有天下，革并、幽、營而還爲九州，是卽禹貢所稱之九州，所謂九州，卽冀、兗、青、徐、揚、荆、豫、梁、雍是也。其包有今日西北領域者，有左述諸州：

(一)冀州之一部——冀州之疆域，東西南三面皆距大河（按卽今之黃河），約占今之山西、河北全部及河南北部與遼甯西部。

(二)梁州之一部——梁州之疆域，東據華山之陽，西距黑水。按華山卽今之陝西華陰縣南之翠華山，黑水卽今雲南境內之怒江（或有謂係瀾滄江者），其上游在康藏邊境者，曰喀喇烏蘇河，蓋卽黑水也。本州包有之地，爲今陝西南部，四川全部及西康、雲南之一部。

(三) 雍州之全部——雍州之疆域，西據黑水，東據河。按此黑水即今甘肅安西以西之疏勒河，本州包有之地約為今陝、綏、甯、青之一部及甘肅之全部。

總上以觀，今日陝、甘、青、甯、晉、綏等省，實為禹貢九州中雍州之全部，梁州之東北部及冀州之西部，在當時版圖中，位置最適中，田土最肥沃。堯都平陽（今山西臨汾縣西南），舜都坂蒲（今山西蒲縣），禹都安邑（今山西夏縣安邑間地），皆在冀州。冀、梁、雍三州在當時之重要性可想見也。



殷代因夏之制，全國區劃仍保有九州，無所變更。



周初仍夏之制，分全國為九州，仍舊名者有揚、荆、豫、青、兗、雍、冀七州，新置者有幽，并二州，徐、梁之名，則不復存在矣。九州之區劃範圍，略有變更。其包有今日西北地域者，有左述諸州：

- (一) 豫州之一部——本州包有今河南及陝西一帶地。
- (二) 雍州之全部——本州包有今陝甘諸省地。
- (三) 冀州之一部——本州包有今晉冀諸省地。
- (四) 并州之一部——本州包有今河北西部及山西中部地。

春秋

周自東遷後，諸侯割據，互相併吞，小國分立，數已不多，其見於春秋經傳可考者，百有餘國，而會盟征伐，堪稱雄長者，祇十四國耳，即魯，衛，齊，晉，宋，鄭，陳，蔡，曹，許，秦，楚，吳，越也。各國之據有今日西北疆域者，有晉、秦兩國：

- (一) 晉——自今山西臨汾太原間向東至河北之大名廣平間，皆為晉之版圖。
- (二) 秦——今陝西長安以西地。

除上述十四大國之外，尚有可資考證之附庸小國，計百有十三，即邾、杞、茅、滕、薛、莒、向、紀、夷、郟、鄆、遂、譚、偃陽、郟、鑄、郟、郟、宿、任、須句、顯、臧、邾、州、於、仁、丘、牟、彭、鄆、鄆、極、根、牟、陽、介、萊、虞、虢、祭、共、南、燕、凡、蘇、原、周、刁、毛、甘、單、成、雍、樊、尹、劉、鞏、芮、魏、荀、梁、賈、耿、

霍、冀、崇、黎、鄧、中、滑、息、黃、江、弦、道、柏、沈、頓、項、鄴、胡、隨、唐、房、戴、葛、蕭、徐、六、蓼、宗、巢、英氏、桐、舒、舒鳩、舒庸、鍾吾、穀、貳、軫、郟、紂、羅、賴、權、厲、庸、糜、夔巴、邢、北燕、焦、揚、韓、不羹是也。其版圖之據有今日西北疆域者，有左列十四國：

(一) 虞——即今山西解縣平陸一帶地，國都在今平陸縣東北四十餘里處。

(二) 虢——有三：一曰北虢，在今河南陝縣東南；二曰東虢，在今河南杞水縣境，三曰小虢（亦曰西虢），在今陝西鳳翔縣南三十五里。

(三) 芮——芮有二：一在今陝西大荔，一在今山西芮城縣西。

(四) 魏——在今山西芮城縣東北。

(五) 荀——在今山西臨晉縣東北十五里。

(六) 梁——在今陝西韓城縣南二十二里。

(七) 賈——在今陝西蒲城縣西南十八里。

(八) 耿——在今山西河津縣。

(九) 霍——在今山西霍縣境。

(十) 冀——在今山西河津縣東北。

(十一) 崇——有兩說：一說在今陝西大荔縣境，一說在今陝西鄠縣東五里。

(十二) 黎——在今山西黎城縣東北十八里。

(十三) 揚——在今山西洪洞縣東南十八里。

(十四) 韓——在今陝西韓城縣南十八里。

此外尚有九州夷裔，約有十九國，卽戎蠻、陸渾、鮮虞、無終、潞氏、靡咎如、白狄、驪戎、犬戎、山戎、茅戎、盧戎、鄭瞞、北狄、淮夷、肥、鼓、戎、濮是也。其疆域之在今日西北境內者，計有左列七國：

(一) 靡咎如——在今山西太原附近。

(二) 白狄——有兩處：一在今陝西延安境內，一在今山西汾陽縣境。

(三) 驪戎——在今陝西臨潼縣境。

(四) 犬戎——在今陝西鳳翔縣北。

(五) 北狄——在今山西大同及察哈爾蔚縣一帶地。

(六) 肥——在今山西昔陽縣東五十里。

(七) 潞氏——在今山西潞城縣境。

戰國

列國互爭雄長，征伐不已，結果弱肉強食，小國漸爲大國併滅。迄周威烈王二十三年（民國紀元前二三一四年，西歷紀元前四〇三年），韓趙魏三家分晉，成爲秦、韓、魏、趙、燕、齊、楚七國割據之局，戰國時代，於焉開始，當時七國版圖之佔有今日西北疆域者，略如左述：

（二）秦國之全部——秦國在當時最爲強大，依戰國策蘇秦之說法：「秦西有巴蜀漢中之利，北有胡貉代馬之用，南有巫山黔中之限，東有崤函之固。」其地西至今之成都重慶一帶，北至今山西岢嵐及朔縣（俱胡地）以北，遼甯開原縣（係貉地）東北，及察哈爾蔚縣（係古代地）一帶；南至今四川巫山縣及湖南沅陵縣一帶；東至今河南永甯縣及陝西潼關一帶。但此係游士誇大之說法，實際上秦當時之版圖，應以范雎之說法較爲可靠，范雎說：「秦四塞以爲固，北有甘泉谷口，南帶涇渭，右隴蜀，左關坂」。「四固」即指四關之險固，四關者即東曰函谷（即今潼關），南曰武勝（在今陝西商縣東），西曰大散（在今陝西寶雞西南），北曰蕭關（在今甘肅固原瓦亭鎮東二十里）。北至甘泉谷口，甘泉係指甘泉山，在今陝西涇陽縣西北百二十里，谷口在今陝西醴泉東北四十里。南帶涇渭，涇水自甘肅來，由長武入陝境，渭水自甘肅來，由寶雞入陝境，二水橫貫關中平原，迤邐東流，在陝西高陵縣南相會，於潼關以北入黃河。左隴蜀，指隴氐，在今陝西隴縣西北六十里。左關坂，指函谷及崤坂，即今潼關及河南永甯一帶。總上以觀，則秦當時之版圖奄有

今陝西關中平原及漢中盆地之全部及甘肅東境一小部。縱令有今晉、豫、鄂、川諸省地，亦僅佔一小部分邊境而已。故當時秦國之版圖，可說大部分仍在今陝甘兩省境內。

(二) 魏國之一部——魏國版圖，「南有鴻溝，東有滎穎，西有長城，北有河外。」所謂「西有長城」即指魏惠王十九年自鄭地。今河南杞水以西。沿今陝西洛水向北所築之長城，所謂「北有河外」，即指今陝北及綏遠河套一帶。故魏之版圖，其西北一部即在今陝北及河套地方。

(三) 燕國之一部——燕國版圖，「東有朝鮮遼東，北有林胡樓煩，西有雲中九原，南有呼沱易水。」所謂「北有胡林樓煩」，即今察綏二省地。所謂「西有雲中九原」，即今山西大同西北及綏遠包頭西北。故燕之版圖，其西北之大部分，在今晉北及察綏二省境內。此外韓國有一部分版圖，伸入今陝西商縣境內，趙國亦有一部分版圖，伸入山西今渾源東南恆山一帶，惟以地方不大，故不具列。

秦

始皇統一天下，戰國之局告終，一掃割據封建之局，確劃全國為三十六郡，厥後平定百越，又增置四郡，合為四十郡。中國歷史上之地方行政區劃，至是始獲一劃時代之改變。

西北歷代地方行政區劃沿革略

而中國地方行政區劃之確立，至是亦略具雛型，此為研究中國地方行政區劃沿革者所不能不注意，亦為中國地方政制史所難大書特書者也。

秦劃全國為四十郡，即內史，三川，河東，上黨，太原，代郡，燕門，雲中，九原，上郡，北地，隴西，潁川，南陽，碭郡，邯鄲，上谷，鉅鹿，漁洋，右北平，遼西，遼東，東郡，齊郡，薛郡，琅邪，泗水，漢中，巴郡，蜀郡，九江，鄆郡，會稽，南郡，長沙，黔中，（以上三十六郡為初定天下後所設）閩中，南海，桂林，象郡，（以上四郡為平定百越後所設）。

上列四十郡之在今日西北各省境內者，有以下十二郡：

（甲）在今陝綏境內者

（一）內史郡——秦都咸陽，內史郡轄境，在今陝西長安及鳳翔間一帶地，屬關中之中，繞咸陽之周，故為畿內郡，為全國之首郡。郡治在今咸陽縣。

（二）漢中郡——今陝西南部南鄭以東至湖北西北部鄖縣一帶，均是其轄境。郡治不詳。

（三）雲中郡——今陝西西北部榆林以北至綏遠南部托克托、薩拉齊二縣，鄂爾多斯左翼及綏遠中部茂明安旗地方（以上為隋勝州轄境），均是其轄境。郡治不詳。

（四）九原郡——今陝西西北部至綏遠西南部鄂爾多斯右翼（即伊克昭盟）一帶，（以上為隋豐州轄境），均是其轄境。郡治不詳。